

BOSNA I HERCEGOVINA
FEDERACIJA BOSNE I
HERCEGOVINE
TUZLANSKI KANTON
OPĆINA BANOVICI
OPĆINSKI NAČELNIK



БОСНА И ХЕРЦЕГОВИНА
ФЕДЕРАЦИЈА БОСНЕ И
ХЕРЦЕГОВИНЕ
ТУЗЛАНСКИ КАНТОН
ОПЋИНА БАНОВИЋИ
ОПЋИНСКИ НАЧЕЛНИК

Adresa: Ul. Alije Dostovića br: 1. 75290 Banovići

Tel: 00387 35 87 50 30, Fax: 00387 35 87 66 47, e-mail: opcina.banovici@bih.net.ba, Web: www.opcina-banovici.com.ba

Broj: 01-05-1114/16- 4

Datum: 08. 08. 2016. godine

Na osnovu člana 64. stav 1. tačka b., člana 70. stavovi 1., 3. i 6. Zakona o javnim nabavkama (Službeni glasnik BiH broj 39/14), člana 70. Zakona o organizaciji organa uprave u Federaciji Bosne i Hercegovine („Službene novine FBiH, broj 35/05) člana 15. Zakona o principima lokalne samouprave u Federaciji Bosne i Hercegovine („Službene novine FBiH“ broj 49/06), člana 42. Statuta Općine Banovići (Službeni glasnik općine Banovići broj 3/08) i Preporuke Komisije za javnu nabavku, broj: 01-05-1114/16-3 od 04.08.2016. godine u postupku javne nabavke usluga „Izrada Glavnog projekta daljinskog grijanja za gradsko i prigradsko područje općine Banovići“ Općinski načelnik donosi

ODLUKU O IZBORU NAJPOVOLJNIJEG PONUĐAČA

Član 1.

Prihvata se Preporuka Komisije za javnu nabavku broj: 01-05-1114/16- 3 od 04. 08. 2016. godine i Ugovor za javnu nabavku usluga „Izrada Glavnog projekta daljinskog grijanja za gradsko i prigradsko područje općine Banovići“ dodjeljuje ponuđaču „TEHNO-BIRO“ d.o.o. Tuzla, sa sjedištem u Tuzli, ulica Bosne Srebrene broj 127., ponuda broj: 29/07/16 za ponuđenu cijenu od 68. 000,00 KM bez PDV-a , kao najbolje ocijenjenom ponuđaču.

Član 2.

Prijedlog Ugovora o nabavci usluga dostavit će se na potpis izabranom Ponuđaču iz člana 1. ove Odluke po proteku roka od 15 dana, računajući od dana od kada su svi ponuđači obaviješteni o izboru najpovoljnije ponude.

Član 3

Ova Odluka stupa na snagu danom donošenja i objavit će se na internet stranici www.opcina-banovici.com.ba istovremeno s njenim upućivanjem svim ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama (Službeni glasnik Bosne i Hercegovine, broj 39/14).

o b r a z l o Ź e n j e

Odlukom o pokretanju postupka javne nabavke usluga broj: 01-05-1114/16 od 08. 07. 2016. godine donesenom od strane ovog organa pokrenut je postupak javne nabavke usluga „Izrada Glavnog projekta daljinskog grijanja za gradsko i prigradsko područje općine Banovići“.

Predmetna javna nabavka predviđena je Planom javnih nabavki općine Banovići za 2016. godinu, broj 01-05-1681/2015 od 28. 12. 2015. godine, evidencijski broj 43. i Izmjenama i dopunama plana javne nabave općine Banovići za 2016. godinu, broj 01-05-628/2016 od 04. 05. 2016. godine, evidencijski broj: 6i. Javna nabavka usluga sprovedena je otvorenim postupkom javne nabavke.

Procijenjena vrijednost javne nabavke bez PDV-a je 70.000,00 KM.

BROJ OBAVJEŠTENJA O NABAVCI SA PORTALA JAVNIH NABAVKI: 1220-1-2-114-3-35/16 od 08. 07. 2016. godine,

TENDERSKA DOKUMENTACIJA OBJAVLJENA JE NA PORTALU JAVNIH NABAVKI <https://www.ejn.gov.ba> dana 08.07.2016. godine

SAŽETAK OBAVJEŠTENJA O NABAVCI USLUGA OBJAVLJEN JE U SLUŽBENOM GLASNIKU BIH BROJ 53/16 JRJN OZNAKA PREDMETA 71242000-6

JRJN NAZIV PREDMETA JAVNE NABAVKE Izrada projekta i nacрта, procjena troškova

Komisija za javne nabavke imenovana rješenjem broj:01-05-91/16 od 19. 01. 2016. godine, ovom organu dostavila je dana 05. 08. 2016. godine Zapisnik o ocjeni ponuda broj: 01-05-1114/16-2 od 04. 08. 2016. i Preporuku o izboru najpovoljnijeg ponuđača broj: 01-05-1114/16-3 od 04. 08. 2016. godine u postupku javne nabavke usluga „Izrada Glavnog projekta daljinskog grijanja za gradsko i prigradsko područje općine Banovići“.

U postupku je utvrđeno da je Komisija za javnu nabavku blagovremeno i pravilno izvršila otvaranje ponuda i ocjenu prispijelih ponuda, o čemu je sačinila odgovarajuće zapisnike, u kojima je utvrđeno slijedeće:

- da je ukupan broj pristiglih ponuda četiri (4),

- da je zaprimljeno 4 (četiri) blagovremene ponude i to kako slijedi:

1. „ELEKTROPROJEKT“ d.d., sa sjedištem u R Hrvatskoj , Zagreb,ulica Alexandra von Humboldta 4 (datum predaje ponude 28. 07. 2016. godine; vrijeme predaje ponude 14: 00 h),
2. „URBIS CENTAR“ d.o.o. Banja Luka, sa sjedištem u ulici Bulevar Vojvode Stepe Stepanovića broj 101 A Banja Luka (datum predaje ponude 01. 08. 2016. godine; vrijeme predaje ponude 10: 18h),
3. „TEHNO-BIRO“ d.o.o. Tuzla, sa sjedištem u Tuzli,ulica Bosne Srebrene broj 127. (datum predaje ponude 01. 08. 2016. godine;vrijeme predaje ponude 10: 30 h),
4. „CUBUS „ d.o.o. Lukavac sa sjedištem u Lukavcu, ulica Armije BiH D-7 (datum predaje ponude 01. 08. 2016. godine;vrijeme predaje ponude 10: 30 h),

- da su 3 (tri) ponude ocijenjene kao neprihvatljive i to ponude slijedećih ponuđača:

1. „ELEKTROPROJEKT“ d.d., sa sjedištem u R Hrvatskoj , Zagreb,ulica Alexandra von Humboldta 4
2. „URBIS CENTAR“ d.o.o. Banja Luka, sa sjedištem u ulici Bulevar Vojvode Stepe Stepanovića broj 101 A Banja Luka,
3. „CUBUS „ d.o.o. Lukavac sa sjedištem u Lukavcu, ulica Armije BiH D-7

1. Ponuda ponuđača „ELEKTROPROJEKT“ d.d obijena je kao neprihvatljiva iz razloga kako slijedi:

Ponuđač „ELEKTROPROJEKT“ d.d. nije dostavio tražene izjave iz tačke 4.1(lična sposobnost) i 4.2. (diskvalifikacija zbog sukoba interesa ili korupcije) ovog zapisnika na način propisan Zakonom i Tenderskom dokumentacijom, odnosno, predmetne izjave nisu ovjerene od strane organa nadležnog za ovjeru potpisa nego su iste potpisane od strane lica ovlaštenog za zastupanje i ovjerene pečatom firme ponuđača ,tzn. da potpisi nisu ovjereni od organa nadležnog za ovjeru potpisa (u skladu sa zakonom) i kako je traženo Tenderskom dokumentacijom.

Dakle, **Ponuđač nije dostavio dokaze ispunjavanja uslova lične sposobnosti i uslova diskvalifikacija zbog sukoba interesa ili korupcije** dokazima pripremljenim u skladu sa uslovima u TD, te je ponuda iz navedenog razloga ocijenjena kao neprihvatljiva.

U Zakonu o javnim nabavkama, član 45.stav 4. navedeno je Kandidat/ponuđač u svrhu dokaza o ispunjavanju uslova iz stava 1. Ovog člana dužan je dostaviti izjavu ovjerenu kod nadležnog organa, u formi i na način koji propisuje Agencija podzakonskim aktom"

U članu 68. Zakona o javnim nabavkama (Razlozi za odbacivanje zahtjeva za učešće ili ponude),- stav 1. navedeno je „Ugovorni grgon odbacuje zahtjev za učešće ili ponudu ako kandidat/ponuđač nije dostavio tražene dokaze ili je dostavio nepotpune dokaze ili je lažno predstavio informacije koje su dokaz ispunjavanja uslova iz čl.45. do 51. ovog zakona“

2. Ponuda ponuđača „URBIS CENTAR“ d.o.o. Banja Luka obijena je kao neprihvatljiva iz razloga kako slijedi:

Ponuđač nije uspio dokazati svoju tehničku i profesionalnu spsobnost kako je to traženo Tenderskom dokumentacijom.

Ponuđač je u Ponudi dostavio spisak izvršenih ugovora na kojem se nalazi izrada jednog Glavnog projekta i izrada jednog Idejnog projekta. Pojedinačna vrijednost izvršenih ugovora sa spiska (bez PDV-a) ne može biti manja od 50 % procijenjene vrijednosti ove javne nabavke.

Ugovor pod rednim brojem 2. ne može se prihvatiti kao relevantan za ovu javnu nabavku jer je vrijednost istog manja od 50 % procijenjene vrijednosti ove javne nabavke. Pored navedenog ovaj ugovor ne može se prihvatiti kao relevantan za ovu javnu nabavku jer se isti odnosi na izradu Idejnog projekta. Izrada idejnog projekta prema ocjeni ove Komisije zbog same razlike u sadržaju, složenosti i svrsi izrade idejnog projekata u odnosu na glavne projekte građevina. Relevantni su samo ugovori na izradi glavnog projekta koji su u vezi s predmetom nabavke (isti ili slični).

Ponuđač dakle u spisku izvršenih ugovora naveo je jedan Glavi projekat i jedan Idejni projekat, te time nije uspio dokazati svoju tehničku i profesionalnu sposobnost u ovom predmetu javne nabavke, obzirom na tražene dokaze i uslove iz TD.

Dakle Ponuđač nije uspio dokazati da ima uspješno realizirana dva ugovora istog ili sličnog predmeta nabavke i procijenjene vrijednosti nabavke, te je ponuda iz navedenog razloga ocijenjena kao neprihvatljiva.

3. Ponuda ponuđača „CUBUS „ d.o.o. Lukavac obijena je kao neprihvatljiva iz razloga kako slijedi:

Ponuđač je u Ponudi dostavio spisak izvršenih ugovora na kojem se nalazi izrada dva Glavna projekta i potvrde o njihovom urednom izvršenju.

Pojedinačna vrijednost izvršenih ugovora sa spiska (bez PDV-a) ne može biti manja od 50 % procijenjene vrijednosti javne nabavke.

Ugovori sa spiska ne mogu se prihvatiti kao relevantni za ovu javnu nabavku jer je vrijednost svakog pojedinačnog ugovora sa spiska manja od 50 % procijenjene vrijednosti javne nabavke.

Ponuđač dakle u spisku izvršenih ugovora naveo je dva Glavna projekta čija pojedinačna vrijednost je manja od 50% procijenjene vrijednosti ove javne nabavke te time nije uspio dokazati svoju tehničku i profesionalnu sposobnost u ovom predmetu javne nabavke, obzirom na tražene dokaze i uslove iz TD.

Dakle Ponuđač nije uspio dokazati da ima uspješno realizirana dva ugovora istog ili sličnog predmeta nabavke propisane vrijednosti nabavke, te je ponuda iz navedenog razloga ocijenjena kao neprihvatljiva.

- Da je jedna ponuda ocijenjena kao ispravna i prihvatljiva i to ponuda Ponuđača „TEHNO-BIRO“ d.o.o. Tuzla, sa sjedištem u Tuzli, ulica Bosne Srebrene broj 127.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača te ocjenu prispjelih ponuda, shodno kriterijima iz Tenderske dokumentacije.

U postupku ocjene provedenog postupka, ovaj organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama podzakonskim aktima, internim aktima i Tenderskim dokumentom.

Uvidom u priloženu dokumentaciju, nesporno je da je izabrani ponuđač „TEHNO-BIRO“ d.o.o. Tuzla, sa sjedištem u Tuzli, ulica Bosne Srebrene broj 127. najbolje ocijenjen na osnovu kriterijuma najniže cijene, koja je ponuđena u ukupnom iznosu od 68. 000,00 KM bez PDV-a ponuda broj: 29/07/16 i iz razloga što je njegova ponuda u svemu ispravna i prihvatljiva.

Iz navedenih razloga, primjenom člana 64. stav 1. tačka b. a u vezi sa članom 89. Zakona o javnim nabavkama, odlučeno je kao u članu 1. ove Odluke.

POUKA O PRAVNOM LIJEKU:

Protiv ove Odluke dopuštena je žalba. Žalba se izjavljuje Uredu za razmatranje žalbi putem ugovornog organa u roku od 10 dana od dana prijema Odluke. Žalba se dostavlja u tri istovjetna primjerka u pisanoj formi direktno ili preporučenom poštanskom pošiljkom na adresu Općina Banovići, ulica Alije Dostovića br. 1. 75290 Banovići.

DOSTAVITI:

- 1x Svim ponuđačima
- koji su učeštovali u postupku JN
- 1x U spis

OPĆINSKI NAČELNIK

Mirhat Husić